

## **Pampango - Malungkut Kasulatan - Comfort Scriptures**

**2 Corinto 1:2-4 Mananu na sanang ing Dios a Ibpa tamu at ing Ginu tamung Jesu-Cristo ibie na kekayu ing grasya at kapayapan. 3 Munie tamung kapasalamatan king Dios at Ibpa na ning Ginu tamung Jesu-Cristo, ing malunusan a Ibpa at ing Dios a panibatan na ning sablang tula! 4 Pamatulan na katamu king sabla tamung kalungkutan ban king kapamilatan na ning tulang tinggap tamu keya, itamu naman asaupan ta la ding atyu king nanu pa mang kalungkutan.**

**Kasebian 15:13 Titiman la ding tau neng masaya la; neng malungkut la maslam la lupa.**

**1 Ari 8:66 King kawalung aldo pepaulian na la ring tau, at binendisyunan de ring tau ing ari. Masaya lang masayang minuli karing sarasarili dang tuknangan uli na ning bendisyun a binie ning Ginu kang David a talasuyu na at karing memalen ning Israel.**

**1 Cronica 16:10 Tumula kayu uli na ning banal nang lagyu; paburen lang tumula ding sasamba king Dios!**

**Kasebian 12:25 Mina ya ing diribdib king problema, oneng ing mayap a amanu tula ing idala na.**

**Kasebian 13:12 Neng mabibigu ing kapanayan, saskup ya ing salu, oneng ing kapagnasan a kimtan paligayan neng pusu.**

**Isaias 30:26 Maging masala ya ing bulan anti ing aldo; maging pitu ne mang besis kasala ing aldo king sadia nang sala, anti la mong piyabe ing sala da ring pitung aldo king patingapun! Iti ngan mapalyari king aldo ing Ginu bendahan na la at pakayapan ding sugat a pepasari na karing taung pinili na.**

**Hosea 13:8 Mangari kung gaindung oso a kewalan karing anak na king pamanlusub ku kekayu at paglapakan da kayu. Mangari kung leon a maglaklak kekayu at paglapakan da kayung anting animal ning gubat.**

**1 Samuel 1:8,10 Nganang Elkana a asawa na, Ana, obat manangis ka at e mamangan? Obat malungkut ka? E ku wari maygit karing apulung anak a lalaki para keka? 10 Tutung mabayat ing panamdam nang Ana. Menalangin ya king Ginu kabang manangis yang kapait-paitan.**

**Dalit 25:16,17 Balikdan mu ku at lunusan, uling magdili-dili ku at mipasakitan. 17 Ilako mu ku karing kalingasngasan ku, at isaka king kaligaligan ku.**

**Dalit 34:18 Malapit ya ing Ginu karetang meina lub, at sasagipan na la detang milako kapanayan.**

**Dalit 38:8 Pata ku panamdam, at lubus na kung meina; sasaingsing ku uli ning kaplas ning lub ku.**

**Dalit 55:4 Tutu kung mangatakutan, magkang malaus ku king kamatayan.**

- Dalit 61:2,3 Kening lugal nung nu ku miyugse ika ing kakung ausan, uling malungkut ya ing kakung pusu. Iligtas mu ku at ingatan. 3 Ika ing kakung salilungan, at talapagligtas karing kalaban.**
- Dalit 62:8 Ikong kakung kabalen, manalig kayu sana king Dios king sablang panaun. Sabla yung kaguluan king Dios idala yu, uling ya ing salilungan tamu.**
- Dalit 73:26 Mina ya mang kakung katawan at kaisipan ing Dios mu rin ya ing kakung sikanan; ya mung bukud ing kakung kailangan king kapilan pa man.**
- Dalit 77:2,3 King oras ning kaguluan manalangin ku king Ginu; tinas ku la king pamanalangin kabukas ding kakung gamat, oneng ing tula a kakung kailangan e ku tinggap. 3 Neng gaganakan ke ing Dios sasaingsing ku; neng migunamgunam ku mimina ku lub.**
- Dalit 86:11 O Ginu, ituru mu ing buri mung parapat kaku, at pamintuan da kang mitmung katapanan; ituru mu kung sumuyu keka king taimtim a pilubluban.**
- Dalit 109:22 Uling pakakalulu ku at atyu king pamangailangan; tutu kung panamdamanan ing kakung kasakitan.**
- Dalit 112:7,8 E ya tatakul tanggap king e masanting a balita; masikan ya kapaniwalan at king Ginu magtiwala ya. 8 E ya maliligalig o mitatakutan man; siguradu yang akit na lang masambut ding keyang kalaban.**
- Dalit 143:4 Inya maibug na kung sumuku; milako ing kakung kapanayan.**
- Dalit 147:3 Ding mebigu pakayapan na la, at lalanggasan na lang sugat da.**
- Kasebian 14:30 Ing kapayapan ning kaisipan makasaup king mayap a pamikakatawan, oneng ing pamangalalu mengaring sakit king butul mu.**
- Ecclesiastes 1:13 Seliksikan ku at pegaralan ing sablang bage milyari keti king yatu. Apagaralan ku king tikda na ning Dios ing maragul a kasakitan para karing anak da ring tau.**
- Ecclesiastes 2:10 Ikua ku ing nanumang buri ku; tikman ku ing sablang bisyu ning yatu. Pigmaragul ku ing sablang depatan ku, at iti ing ablas ku king sabla kung pipagal.**
- Ecclesiastes 2:22,23 Nanu mo ing pakinabang na ning tau king sablang depat nat kapagalanan lalam na ning mapaling aldo? 23 Kabang mabibie ka e mako ing problema at kasakitan. Agyang neng bengi ing kaisipan mu e ya mipaynawa. Ing sabla ala ngang kabaldugan.**
- Ecclesiastes 11:10 E ka paigulu isip at ingatan mu ing kekang sarili, uling lumipas ing pangakayanakan mu at ing sibul ning bie.**
- Isaias 30:29 Oneng ika o bansang pinili na ning Dios, maging maligaya ka at magkanta ka antimo ing daraptan mu king kabengian na ning metung a sagradung selebrasyun. Maging masaya kang anti detang lalakad kabang babagayan na la ning plauta ngening papunta la king Templo ning Ginu, ing talaingat na ning Israel.**

**Isaias 57:15 Aku ing matas at banal a Dios a mabie kapilan man.**

**Manuknangan ku king matas at banal a lugal, oneng manuknangan ku munaman libutad da ring taung mapagpakumbaba at sisisi ban abalik ku ing kapanaligan at ing kapanayan da.**

**Isaias 65:14 Magkanta la king tula ra, oneng kumiak kayu at mabigu.**

**Isaias 66:13,14 Nung makananung paligayan ne ning metung a ima ing anak na, makanyan da kang paligayan karin king Jerusalem. 14 Potang akit mu nang mapalyari iti, tumula ka; pasiknangan na ka at dinan masanting a pamikakatawan. Abalu mu kanita king aku, ing Ginu, sasaupan ku la detang mamintu kanaku, oneng papakit ku ing mua ku karing kalaban ku.**

**Jeremias 15:16 Migsalita ka kanaku at pekiramdamman ku ing balang amanu mu. Keka ku, Ginung Dios a Mayupaya, inya ding kekang amanu kitmuan deng tula at ligaya ing pusu ku.**

**Jeremias 24:7 Ibie ku karela ing kapagnasan a abalu da king aku ing Ginu.**

**Kanita ila ding maging memalen ku, at aku ing maging Dios da, uling magbalik la kanaku king mabilug dang pusu.**

**Juan 14:1 Nganang sinabing Jesus karela, “E kayu sukat mabalisa.**

**Maniwala kayu king Dios at maniwala kayu naman kanaku.**

**Juan 14:27 “Ing kapayapan lalakuan ku kekayu; ing kanakung kapayapan babie ku kekayu, ing kapayapan a e na kalupa ning babie ning yatu. E kayu sukat mabalisa o mitakutan man.**

**Juan 16:6 Malungkut kayu uling sinabi ku la ngeni deting bage.**

**Juan 16:22 Makanyan munaman kekayu: malungkut kayu ngeni, oneng pakikitan da kayung pasibayu, at mikatmuan la king tula ding pusu yu. E na adayu ning ninuman ing tula yu.**

**Ding Dapat 2:46 Aldo-aldo lang mititipun miyabe-abe king Templo, at misulusulu la king pamamirasung tinape karing karelang pibalebale. Misulusulu lang mititung saya at katapatan,**

**Roma 9:2 Ing buri kung sabian ya ini: tutu kung pagkalungkutan at alang kalupa ing kaplas ning pusu ku**

**2 Corinto 2:4 Tutu kung malungkut at magugulu isip, inya silatanan da kayu. E ditak ing lua a tinulu karing mata ku kabang gagawan ke itang sulat a ita. Silatanan da kayu e ban attdananan da kayung kalungkutan, nune ban abalu yu nung nu anti karagul ing lugud ku kekayu.**

**Efeso 5:19 Ipasiag yu ing kekayung panamdamman king kapamilatan da ring salmo, himno at kantang banal. King mabilug yung pusu, magkanta kayu at munie kapurian king Ginu.**